

Morning Regional Dogri News

06th October 2024

09-20 Hrs

Headlines

1. जम्मू कश्मीर असेंबली चुनाव 2024 दे एग्जिट पोल च एनसी-कांग्रेस दे गठबंधन गी बहुमत दे आंकड़े कशा थोड़ा गै दूर दस्सेआ गेआ ऐ।
2. नेशनल कांग्रेस नै जम्मू कश्मीर च सरकार बनाने लेई बीजेपी कन्नै गठबंधन गी खारज करी दित्ता।
3. जम्मू दे डिवीजनल कमीशनर होरें जम्मू संभाग च डैंगू नै निबड़ने लेई तैआरिएं दा जायजा लैता।
4. महिला टी-20 विश्वकप च अज्ज भारत दा मकाबला पाकिस्तान कन्नै होग।

<><><><><><>

J&K-Exit Polls

जम्मू कश्मीर दे असेंबली चुनाव गी लेइयै सामने आए दे मते सारे एग्जिट पोल नै प्रदेश त्रिशुकू विधानसभा दी सारत दित्ती ऐ। इनें एग्जिट पोल च कांग्रेस ते नेशनल कांग्रेस दे गठबंधन गी मती सीटां थोने दा अंदाजा जताया गेआ ऐ पर कोई बी पार्टी बहुमत दे आंकड़े गी पार करदी नतरी नेई आवै करदी। कल संजा जारी कीते गेदे एग्जिट पोल दे आंकड़े मूजब नेशनल कांग्रेस इक्कली सब्बने शा बड़्डी पार्टी दे तौर पर उभरे करदी ऐ ते बीजेपी गी दूए नंबरै पर दस्सेआ गेदा ऐ। एग्जिट पोल च पीडीपी गी त्रीह् थाहर हासल होआ करदी ऐ। जिसलै के होरने ते आजाद मेदवारें दी भूमका सरकार बनाने च बड़ी अहम भूमका रेई सकदी ऐ। टीवी-टूडे सी-वोटर दे अंदाजे मूजब नेशनल कांग्रेस ते कांग्रेस दे गठबंधन गी 40एं शा 48 सीटां जदके बीजेपी गी 27 शा 32 सीटां हासल होआ करदियां न। इंदे अंदाजे च पीडीपी गी 6 शा 12 सीटां ते होरने गी 6 शा 11 सीटां थोई सकदियां न। एक्सिस माई इंडिया दे एग्जिट पोल च कांग्रेस-नेशनल कांग्रेस गी सांझे तौर पर 35 शा 45 सीटें, बीजेपी गी 24 शा 34 सीटें, पीडीपी गी 4 शा 6 सीटें, एआईपी गी 3 शा 8 सीटें, पीपुल्स कांग्रेस गी 1 शा 3 सीटें ते होरने ते आजाद मेदवारें गी 4 शा 10 सीटें दा अंदाजा जताया गेआ ऐ। दैनिक भास्कर दे एग्जिट पोल च नेशनल कांग्रेस-कांग्रेस गी 35 शा 40 सीटां, बीजेपी गी 20 शा 25 सीटां ते पीडीपी गी 4 शा 7 सीटां ते होरने गी 12 शा 18 सीटां हासल होने दा अंदाजा जताया गेआ ऐ। उआं असल स्थिति 8 अक्टूबर गी औपचारिक नतीजे दे ऐलान कन्नै साफ होई जांगन। ध्यानजोग ऐ जे प्रदेश च होए दे असेंबली चुनाव च 63.88 प्रतिशत मतदान दर्ज कीता गेआ ऐ। उआं नेशनल कांग्रेस दे उप-प्रधान उमर अब्दुल्ला होरें एग्जिट पोल गी टाईम पास करार दित्ता ऐ। उनें एक्स पर अपनी प्रक्रिया दिंदे होई आखेआ ऐ जे 8 अक्टूबर गी स्थिति स्पष्ट होइ जाग। एग्जिट पोल दे अंदाजे पर प्रतिक्रिया दिंदे होई प्रदेश बीजेपी दे प्रधान रविन्द्र रैणा होरें आखेआ ऐ जे उंदी पार्टी नै अपनी पूरी ताकत कन्नै विधानसभा दा चुनाव लड़ेआ ऐ। उनें आखेआ जे 8 अक्टूबर गी नतीजे सामने औने दे बाद बीजेपी इक्कली सब्बने शा बड़्डी पार्टी बनियै सामने औग।

Farroq Abdullah

नैशनल कांफ्रेंस दे इक्कली बड्डी पार्टी दे तौरा पर उभरने दी भविक्खवाणी करै करदे एगिजट पोल गी दिक्खदे होई शनिवारें पार्टी दे अध्यक्ष डॉ. फारूक अब्दुल्ला होरें आखेआ जे उंदी पार्टी बीजेपी कन्नै कोई गठबंधन नेई करग। जम्मू कश्मीर च सरकार बनाने दे बीजेपी दे दावें दा परता दिंदे होई उनें आखेआ जे नतीजे औंदे गै सारी गल्ल साफ होई जाग जे कोह्दी सरकार बनै करदी ऐ। उनें हरियाणा विधानसभा चुनाएं च कांग्रेस दी जित्त दी बी भविक्खवाणी कीती। विदेश मंत्री डॉ. एस.जयशंकर हुंदे पाकिस्तान दौरे बारे बोलदे होई डॉ. अब्दुल्ला होरें हाल दी तनोतनी गी दिक्खदे होई भारत ते पाकिस्तान बश्कार गल्लबात दे महत्प पर जोर भरेआ।

<><><><><><>

CEO JK

जम्मू कश्मीर दे मुख् चुनां अफसर पी.के.पोले होरें सब्बने जिला चुनां अफसरें गी निर्देश दित्ता ऐ जे ओह ओकड़े कर्मचारिएं दे हक्क इंक्रिमेंट गी रोकन, जेहड़े हाल च गै होए दे विधानसभा चुनाएं दरान राजनीतिक पार्टिएं लेई प्रचार करा'रदे हे। इस संदर्भ च इक हुक्मै च दस्सेआ गोआ ऐ जे ओकड़े अधिकारिएं खलाफ दर्ज कीती गोदी शकैतें दी पूरी चाल्ली जांच दे बाद सेवा नियमें दी उल्लंघना च शामिल पाए जाने पर उंदे इंक्रिमेंट गी रोकेआ जाना चाहिदा।

<><><><><><>

Kulgam Temple

नादीमार्ग कुलगाम दे अर्द नारेश्वर मंदरै गी 20एं ब'रे थमां मते समें मगरा श्रद्धालुएं लेई परतियै खोलेआ गोआ। अधिकारिएं मूजब जिले भर दे लोक बडी मती गिनतरी च इस धार्मिक आयोजन च शामिल होए। इस शुभ ध्याड़े मूर्ति स्थापना ते पूजा सनें केई धार्मिक कार्यक्रमें दा आयोजन कीता गोआ। कुलगाम दे डिप्टी कमीशनर अख्तर अमीर खान होरें मंदरै दा दौरा लाया ते श्रद्धालुएं ते मंदर दे अधिकारिएं कन्नै गल्लबात कीती। उआं जिला प्रशासन नै काटापोरा थमां नादीमार्ग तगर शिड़क तैआर कीती ऐ ते इस इलाके च श्रद्धालुएं दी होर सुविधा लेई होरने विकास परियोजनाएं गी बी प्राथमिकता दित्ती ऐ।

<><><><><><>

DRDO

रक्षा अनुसंधान विकास संगठन डीआरडीओ नै चौथी जनरेशन दी बडी घट्ट दूरी तक्कर मार करने आली हवाई रक्षा प्रणाली (VSHORADS) दे प्रक्षेपण त्रै कामयाब परीक्षण कीते। एह परीक्षण पिछले 2 दिनें च कीते गे। रक्षा मंत्रालय मूजब इनें परीक्षणें च गतिशील हवाई लक्ष्यें गी नशाना बनाने दी समर्थ दा प्रदर्शन कीता गोआ ते महत्वपूर्ण आंकड़े किट्ठे कीते गे। VSHORADS इक हवाई रक्षा प्रणाली दे जिसी मनुक्खें आस्सेआ चुक्कियै लैता जाई सकदा ऐ ते एह्दी शोध केन्द्र इमारत आस्सेआ डीआरडीओ दे सैहयोग कन्नै डिजाइन ते निर्मित कीता गोआ ऐ। रक्षा मंत्री राजनाथ सिंह होरें डीआरडीओ रक्षा बलें ते उद्योगें गी सफल परीक्षण आस्तै शुभकामनां दित्तियां न।

Cebral Palsy Day

अज्ज विश्व सेरेब्रल पाल्सी दिवस ऐ। एह ध्याड़ा सेरेब्रल पाल्सी नां दी बमारी बारे जागरूकता बधाने ते एहदे थमां प्रभावत लोकें प्रति हमदर्दी ते सम्मान दी भावना विकसित करने दे मकसद कन्नै मनाया जंदा ऐ। सेरेब्रल पाल्सी दमाक गी नुक्सान पजाने आली इक समस्या ऐ जेहड़ी कुसै बच्चे गी जनम कोला पैहले जां जनम दे बाद त्रै बरें तोड़ी दी उमरी तगर बी होई सकदी ऐ। इस मौके पर अज्ज मुख्य भरै च केई जागरूकता कार्यक्रम चलाए जा करदे न।

<><><><><><>

NIA Raids

राष्ट्री जांच अजेंसी एनआईए नै आतंकवादी गतिविधिएं लेई रपेआ-पैसा उपलब्ध करोआने दे जैशे मोहम्मद कन्नै जुड़े दे इक मामले च जारी जांच दे सिलसिले च केई राज्यें ते केन्द्र शासत प्रदेशें च छापे मारे न। छापेमारी आली एह कारवाई जम्मू कश्मीर, महाराष्ट्र, उत्तर प्रदेश, असम ते दिल्ली च 26एं थाहरें पर कीती गई। एनआईए दिएं टीमें उत्तर प्रदेश दे मेरठ ते सहारणपुर सनें असम च गोलपारा, महाराष्ट्र च औं,रंगाबाद जालना, मालेगांव, जम्मू कश्मीर च बारामुला, पुलवामा, रामबन ते दिल्ली च छापे मारे न। इस दरान एनआईए दिएं टीमें केई ऐतराजजोग दस्तावेज, इलैक्ट्रानिक उपकरण, इश्तेहारी पर्चे ते पत्रिका जब्त कीतियां न। जेहड़े संदिग्ध लोकें दे परिसरें पर छापे मारे गे न उंदे पर आरोप ऐ जे ओह लोकें गी कट्टरवाद दी बत्ता पर पाने दे कन्नो कन्नी आतंकवाद कन्नै सरबंधत दुषप्रचार बी करै करदे न। उनें युवाएं गी जमात दे संगठनें च बी भर्ती कीता ऐ। एनआईए दी जांच च एह गल्ल बी सामने आई ऐ जे इनें संदिग्धें युवाएं गी भारत च बक्ख-बक्ख थाहरें आतंकवादी हमले करने लेई बी गुमराह कीता हा।

<><><><><><>

Div.Com Dengue

जम्मू दे डिवीजनल कमीशनर रमेश कुमार होरें कल इक समीक्षा बैठक च जम्मू संभाग दे जिलें च डेंगू दे फैलाव कन्नै निबड़ने लेई तैआरिएं ते ओहदे रोकथाम आले उपाएं दा जायजा लैता। डिवीजनल कमीशनर होरें जिला अधिकारिएं गी निर्देश दित्ते जे ओह डेंगू दे मते प्रभावत इलाकें उप्पर नेड़मी तक्क रखन ते इस स्थिति बारे रोजाना रिपोर्ट पेश करन। उनें इने प्रभावत इलाकें च घर-घ घुएं दे छोड़ने गी तेजी उप्पर जोर दित्ता। डिवीजनल कमीशनर होरें डेंगू दे इलाज लेई सरकारी मैडिकल कालेज ते अस्पतालें दी तैआरिएं दी बी समीक्षा कीती ते निजी अस्पतालें कन्नै रलियै इस गल्ला गी जकीनी बनाने लेई आखेआ जे ओ सब्बने सेहत सरबंधी मामले गी निबड़ने लेई तैआर न। इस बैठक च डरैक्टर हैल्थ, सर्विसिस जम्मू, डरैक्टर अरबन, लोकल बॉडीज, डिप्टी कमीशनर, चीफ मैडिकल अफसर ते नगर निगम दे नुमायंदे शामिल हे।

<><><><><><>

Cyber Police Jammu

जम्मू दी साइबर पुलस नै इक सलाह जारी कीती ऐ, जिस च लोकें गी माली धोखधड़ी दे बघदे मामलें थमां बचाह लेई आखेआ गोआ ऐ। जेहदे च जालसाज पीड़ित थमां पैसे लैने लेई केई हडबें दा इस्तेमाल करदे न। एडवाइसरी च उनें मामलें गी उजागर कीता गोआ ऐ जे जेहदे च अपराध पुलस अफसरें दी नकल करदे न ते झूठा दावा करदे होई पीड़ित गी मजबूर करदे न। एडवाइसरी च इस गल्ला उप्पर जोर दित्ता गोआ जे साइबर अपराध दी कुसै बी घटना दी सूचना फौरन एनसीआरपी दे राएं देन जां हैल्पलाइन नंबर 1930 उप्पर कॉल करन।

<><><><><><>

MP-Khatana

त्रै रोजा इक प्रदर्शनी “राईस इन जम्मू एंड कश्मीर-2024” दा कल जम्मू च समापन होआ। जेहदे समापन सत्र दी अध्यक्षता बीजेपी दे नेता ते राज्यसभा सांसद गुलाम अली खटाना होरें कीती। 3 अक्टूबर थमां शुरू होए दे इस कार्यक्रम च क्षेत्र दी उपलब्धिएं, मौकें ते बक्ख-बक्ख क्षेत्रें च एहदे बड़े मते समर्थ उप्पर लोह पाई गई। समापन समारोह च सांसद खटाना होरें जम्मू कश्मीर च लगातार विकास दी लोड़ उप्पर जोर भरेआ ते सैलसफा, बुनियादी ढांचे च होआरदी तरक्की दी सराहना कीती।

<><><><><><>

India-Pak Women T-20

तोआई दूई बक्खी महिलाएं दे टी-20 क्रिकेट विश्व कप च भारत दा मकाबला अज्ज पाकिस्तान कन्नै दुबई च दपैहरी साढ़े 3 बजे होग। न्यूजीलैंड दे खलाफ जंदे शुक्रवारें अपना पैहला मैच हारने दे बाद हरमनप्रीत कौर हुंदी अगुवाई आली भारती टीम अज्जै दे मकाबले गी जित्तने आस्तै पूरा दम-खम लाई देग। दूई बक्खी श्रीलंका खलाफ पैहला मैच जित्तिथै पाकिस्तान टीम दे हौसले बी बुलंद न।

<><><><><><>

India-Bangladesh T-20

भारत ते बंग्लादेश बश्कार 20एं ओवरें आले त्रै टी-20 क्रिकेट मैचें दी श्रृंखला दा पैहला मैच अज्ज ग्वालियर दे मायोराव सिंधिया न्यू क्रिकेट स्टेडियम च खेड्डेआ जाग। कप्तान सूर्य कुमार यादव ते हार्दिक पंडेया इस अरीम दे सीनियर खडारी न। तोआई शुभमन गिल, ऋषभ पंत, यशस्वी जैयसवाल, मोहम्मद सिराज ते बक्सर पटेल गी टीम शामिल नेई कीता गेदा ऐ।

<><><><><><>